

MEDIA CLIPPING

| | | | |
|-------------------|---|------------------|---------------------|
| Client : | Heng Huat Resources Group Berhad | Date : | 23 July 2014 |
| Media : | Berita Harian | Section : | Business |
| Language : | Malay | | |

“Heng Huat recorded RM3.75 million PBT”

Untung kasar Heng Huat RM3.75 juta

Heng Huat Resources Group Bhd, yang akan disenaraikan di Pasaran ACE Bursa Malaysia pada Jumaat ini, mencatat keuntungan sebelum cukai RM3.75 juta pada suku pertama berakhir 31 Mac 2014.

Keuntungan itu lebih tinggi berbanding RM3 juta yang dicatat pada suku sama tahun kewangan sebelumnya.

Pendapatan kumpulan itu dalam suku dikaji meningkat kepada RM21.31 juta daripada RM16.1 juta pada tempoh sama tahun sebelumnya.

Peningkatan permintaan

Ia sebahagian besarnya didorong oleh peningkatan permintaan dan harga purata jualan yang lebih tinggi bagi eksport minyak sawit, kata Heng Huat dalam satu kenyataan di Kuala Lumpur, semalam.

Pengasas dan Pengarah Urusannya, H'ng Choon Seng, berkata sejak bermulanya aktiviti pengeksporan ke China, kumpulan itu memberi tumpuan dalam menghantar fiber minyak sawit yang berkualiti kepada pelanggan industrinya.

“Ini membolehkan kami membina reputasi dalam sektor bahan biomas dan usaha kami membuahkan hasil yang positif dengan peningkatan kukuh jualan,” kata beliau.

Tawaran awam permulaan (IPO) Heng Huat yang ditawarkan baru-baru ini menyaksikan lebihan langganan sebanyak 60.3 kali.

BERNAMA +